


# **AWIG-AWIG DESA PEKRAMAN KEBON DESA PENINJOAN**



**KEMEDALANG OLIH :  
KERAMA DESA PEKRAMAN KEBON  
DESA PENINJOAN - KECAMATAN TEMBUKU  
KABUPATEN BANGLI**

**WARSA 2003**

## MURDHA - CHITA

Om Awignamasu Nama Srdham,

Melarapan saking panghyaning Ida Sang Hyang Widhi Wasa Asung Kerta Nugraha ngawentenang kehuripan sekala niskala, ring Bhuwana Agung lan Bhuwana Alit. Manut dresta desane wantah pawakan pasayuban Krama Desa rawuhing kulawarga pawongannyane, Desane keanggehang Bhuwana Agung, pawongannyane soang-soang pinaka Bhuwana Alit.

Sotaning Bhuwana Agung, Desane wantah pawakan Bhuwana maurip jangkep saha Tri Hita Karana luwire :

- ha. Parhyangan, sahananing kahyangan, penyiwian desa genah ngarcana Ida Hyang Perama Wisesa maka jiwane desane.
- na. Pawongan, krama saha warga desa maka sami mapawakan Bayu Pramana mawinan desane sida melah maprawerti;
- ca. Palemahian, tanah kakuwuban desa sinanggeh stulaning desane.

Adung patemon bhuwana kalih, larapan Santa – Jagadhita, sinanggeh murdaning prayojan panyeriptaning awig-awig desa pekrama ring paseban mami krama Desa Pekraman.

Pinaka sepat siku pematut; wastu prasida, prayojanan mami kabeh presama angiccep muwah amanggehaken kadi linging awig-awig iki.

## PRAMATHAMAS SARGAH

### WARAN LAN WEWIDANGAN DESA

#### Pawos 1

- (1) Desa Pekraman paniki mewasta Desa Pekraman Kebon
- (2) Jebar kakuwub wewidangannyane mewates nyatur :
  - ha. Sisih Wetan utawi kangin Desa Pekraman Kubakal (Rendang)
  - na. Sisih Kulon utawi Kauh Desa Pekraman Metra
  - ca. Sisih Lor utawi Kaler Desa Pekraman Metra
  - ra. Sisih Kidul utawi Kelod Desa Pekraman Penarukan.
- (3) Desa Pekraman puniki kawangun antuk karang lan tegal ayahan desa, kepah dados 3 (tiga) banjar utawi tempekan luwire :
  - ha. Banjar/tempek Kebon Kaja
  - na. Banjar/tempek Kebon Kangin
  - ca. Banjar/Tempek Kebon Kelod

## DWITYAS SARGAH

### PEPITIS LAN PAMIKUKUH

#### Pawos 2

- Desa Pekraman Kebon ngemanggehang Pamikukuh minakadi :
- ha. Pancasila;
  - na. Undang-Undang Dasar 1945
  - ca. Tri Hita Karana manut seda cara Agama Hindu

**Pawos 3**

Luwir Patitis Desa Pekraman Kebon :

- ha. Ngukuhang miwah ngertajegang Agama Hindu;
- na. Nginggilang tata prawertine meAgama;
- ca. Ngrajegang pasukertan Desa saha pawongannyane sekala kelawan niskala;
- ra. Mikukuhin Awig-awig. Ferarem lan Pasuara.

**TRITYAS SARGAH**

**SUKERTA TATA PEKRAMA**

**Palet 1**

**Indik Krama**

**Pawos 4**

- (1) Sane kabawos Krama Desa Pekraman Kebon inggih punika sehanan kulewarga sane jenek utawi kerob saha meAgama Hindu ngenomng tanah tur nyungkemin Kahyangan Desa ring Desa Pekraman Kebon.
- (2) Sejaba punika sinanggih tamiyu sane kabinayang dados kalih inggih punika sane meAgama Hindu, miwah sewosan ring meAgama Hindu.

**Pawos 5**

Krama Desa wenten 4 (petang) soroh luwire :

(1) Krama Pengarep, kulawarga sane uwed utawi pengrawuh saking warga desa sewosan saha ajeg pawwahane.

(2) Krama tan ngarep luwiri :

ha. Salah sinunggal kula warga sane tan ngarep ring desa sakewanten ring banjar kanun ngarep,

na. Krama Penyada, inggih punika krama sane sampun lepas pengayah kagentos antuk sentananyane;

ca. Krama tapukan, inggih punika Krama sane ngentos ayah pangarep wiadin tan ngarep tur sane kedadosang sekaa teruna-teruni ring banjar

(3) Krama Bala Angkep kulawarga sane tanpa karang lan tegalan sakewanten sampun mawiwaha;

(4) Sekaa Teruna, kulawarga sane ngawit mayusa 13 (telulas) warsa ngantos 35 (telung dasa lima) warsa saha dereng mawiwaha.

#### Pawos 6

Ngawit patut dados Krama Desa :

ha. Sangkaning ngamong tanah wiadin sapa sira ugi jenek akekubon ring wewidangan Desa Pekraman Kebon saha meAgama Hindu, tur sampun ngarang n saha sampun kegenahin suwenipun 3 (tiga) sasih patut mekrama Desa, nianut perarem;

na. Sangkaning sampun mawiwaha;

- ca. Sangkaning pinunas ngeraga turmaning kacumponin manut pamutus paruman Desa Pekrajan;

#### Pawos 7

Panemaya tedun Mukrama Desa :

- ha. Ngantos 3 (tiga) sasih mawit pawiwahan, yening sampun kecihnayang antuk upacara-upakara pawiwahan;
- na. Safa sane liana manut perarem

#### Pawos 8

(1) Sehanan Kraja Desa Keni tetegenan (ayah-ayahan) luwire :

- ha. Ayah Pengarep utawi seungkul mapiteges urunan miwah ayahan mamungkul
- na. Ayah Tapikan keni urunan manut ayah sane ketapuk aksara ha, sakewanien kaluputang saking ayah-ayahan ngantos inanggeh daha tetuna utawi mayusa 15 (limolas) warsa;
- ca. Ayah bala angkep keni urunan patch kadi ayah mamungkul

- ra. Prade rikalning ngayah wenten sinalih tunggil krama sepantun utawi matiker tan pesadok ring prajuru sadereng puput karya wenang kakeninin pamidanda manut perarem.
- (2) Soang-soang Krama Desa sane ngerobang kulawarga sejeroning mayusa 7 (pitung) warsa ngantos 15 (limolas) warsa patut ngamolihang kaweruhan saha keranjingang ring sekolah 9 (siya) warsa ngantos puput utawi ngamolihang cihna. Krama sane ngerobang inucap; prade mamurug wenang kedanda manut perarem, saha patut ngemarginin pidabdab sakeng Guru Wisesa sejeroning nincapang kaweruhan.

Pawos 10

Pawos 9

Krama Desa Kedadosang :

ha. Mapoangkid utawi tan tedun rikala :

1. Kapiambeng katuju sungkan;
2. Kapiambeng katuju metepetin;
3. Kapiambeng ritkala kelayu sekaranan (pengapit, penumbak 12 (roras) rahina ;
4. Kapiambeng ngeraja swala;
5. Kapiambeng karya Suka Duka utawi nangun yadnya;
6. Kapiambeng Nema'uh, utawi ngeraabin wewangunan, miwah sane tiyosan manut banglokika prajuru;

- na. Nyada ; nyeralung ayah kangkat ngawit sampun mayusa 65 (enem dasa lima) warsa tur aning mangda wenten nyuksukin ngangge ilikita, sejabu wenten pariindik ti vos manut perarem;
- ca. Penyeledi utawi nyuksukin ayah risampun mayusa 17 (pitulas) warsa;
- ra. Nutug ayah antuk artih berana (penekel) sang kapialang :
1. Nyanggra pekaryan pemerintah tur magenah ring dura negara utawi lintang segara;
  2. Tur kedadosang manut perarem.

Pawos 10

Wusan dados Krama Desa utawi Desa Pekraman luwire :

Sangkaning :

- ha. Pinunas ngeraga sangkaning kesah ke dura desa utawi nilar sesana
- na. Kenorayang dwaning sampun tan prasida ngehehin solah maprawerti stata mamurug kecaping awig-awig
- ca. Seda utawi ceput
1. Sang wusan mekrama patut ngaturang ayah-ayah Desa ring Krama Desa saha tan polih pah-pahan sangkanin paduwun desa;

2. Praje sane wusan mekrama pecak, ayat mekrama malih, kangkat yeung sampun kecumponin antuk krama saha patu nar penaub manut perarem

## PALFT 2

### Bedik Prajuru Utawi Dulun Desa

#### Pawos 11

- (1) Desa Pekraman Kebon Kaenter antuk Bendesa
- (2) Banjar / Tempek Kaenter antuk Kelian Banjar utawi kelihan tempek
- (3) Bendesa patut :
  - ha. Mawiwit sakeng Krama Desa Ngarep
  - na. Keadegang melarapan antuk pa paruman, saha Prajuru soang-soang taler keadegang nyabran 5 (limang) warsa sejawaning wenten pamodik tios kangkat kapilih malih
  - ca. Patut nincapang kaweruhan ring sulur Agama lan Adat turmaning tan ceda angga, ceda budi lan sepenunggilannyane saha tan kapialang antuk uger-uger panegara;
  - ra. Maduluran Dewa Saksi ring Pura Bale Agung.

#### Pawos 14

#### Pawos 12

- (1) Bendesa kesanggra antuk :

- ha. Panglima/patajuh pinaka wakil
- na. Penyarikan pinaka juru surat
- ca. Juru raksa pinaka pangemeng druwen desa
- ra. Kesinoman pinaka juru arah
- ka. Kelian Banjar/kelian tempek

(2) Kesinoman keahnyane manut kawigunan

(3) Sajeroning ngenterang kasukertan niskala krama desa patut mingsinggihong pe nangku Kahyangan Desa muang kahyangan tiyosan.

Pawos 13

- (1) Swadharmaning Beadesa Luwire :
- ha. Ngemangiang sedaging awig-awig miwah perarem desa
  - na. Nuntun tur ngenterang Krama rauhing warga desa ngupadi kasukertan manut petitis
  - ca. Mawosin kalil niwakang pamutus arep ring wicara warga desa
  - ra. Maka duta matemuang bawos ring sapa sira ugi.

(2) Prade prajuru utawi dulun desa iwang pengelaksana, kangkat keraryanang manut perarem.

Pawos 14

Petias utawi olih - olihan Prajuru luwire :

ha. Luput rerampen

na. Pilih pah-pahan atandi ng utawi sarma

ca. Pahan sarin carung, masut peragem

ra. Petras tyos masut peragem

#### Parwa 15

(1) Prajuru Desa kagentosin riantuan

ha. Seda

na. Kagentosin nyarisan 5 (limang) warsa utawi sanipun tetug

Panenanya

ca. Wit sakeny pikayin rahayu utawi pinomas ngeraga sakewanten

patut kainingkupin antuk krama

ra. Kerariyana ng dya ning iwang pemargi utawi nalar sesana

(2) Ngerariyanang utawi ngenosin prajuru patut sejeroning paraman

saha kainingkupin antuk krama desa

#### Palet 3

#### Indik Kukul

#### Pawos 16

(1) Kukul ring Desa Pekre nan Kebon luwire

ha. Kukul Desa Pekre nan

na. Kukul Subah Abiat

ca. Kukul Seka

ra. Kukul Dadi

(2) Tabuh tatepakani Kulkui Desa :

ha. Kalih tuludan saha banban cihna wenten pekaryan utawi wenten upacara yadnya sekadi sampun kearahlan utawi kesiarang

na. Dasa kelentungan saha banban cihna krama desa wenten pawiwahan

ca. Atuludan bulus cihna sinalih tunggil krama desa keni pancabaya utawi manggihin jiwa bhaya

ra. Tigang kelentungan saha banban cihna ngewadeang petedunan.

ka. Kalih tuludan tan wenten arah cihna wenten krama sane padem

(3) Sang nepak tan sangkaning pituduh prajuru tur tetepakaryane tan manut sekadi ring ajeng kekanin danda artha manut perarem sejabaning nepak kulku! manut ring pawos 16 angka aksara ca.

#### Pawos 17

(1) Kulkul desa tan wenang katepak yening tan sangkaning pituduh prajuru, sejawaning tenggeran kepanca bhaya.

(2) Sang nepak tan sangkaning pituduh patut digelis atur supeksa maka buatan panepake, yan tan sapunika wenang sang nepak kadanda manut perarem

(3) Suaran kulkul, tenggeran kepanca bhaya patut ketedunin antuk Krama desa saha makta gegawen anut bhaya.

(4) Kukul sekaw-sekaa se naliha kukul pondokan-pondokan tan kalugra nyawerin (maehin) sukat utawi tenggeran kukul desa prade mamurug wenaag kedanda manut perarem

#### Palet 4

#### Indik Paruman

#### Pawos 18

(1) Paruman utawi sangkapan ring Desa Pekraman Kebon sekadi ring sor: Yening kula desa cecek ring wang-wang moka, kedanda arha

ha. Paruman Desa kawentenang ngesasih apisan nemonin Sukra

Wage.

na. Paruman napkala kawentenang manut pabuat ipun manut arah-arah

ea. Paruman Dulu kawentenang manut wiguna

ra. Paruman Prajuru muang para pengajeng kawentenang manut wiguna

(2) Paruman Desa utawi Banjar madudonan sekadi ring sor :

ha. Prasida lumaksana risampun katedunin antuk sang patut

ngemiletin saha sampun terem, keriyinin antuk tenggeran kukul

miwah mabusana nyelempot, medestar saha tan kalugra makta

gegawan sakeluwire, tan maren ngarcana ring Ida Bhagawan

Penyarikan, maka sarana widi widana cane

na. Maka sarana janggi, pengawit kelaksanayang penyacak sep-  
sepan saha riwus.mnyane nyacak, dedosan gung alit manut  
Perarem

ca. Tan kalugra ngewetuang suara goro Utawi byute yen wenten  
sekadi asapunika, keni pamidanda pecamil kadi dandaning  
nguman-un in ring sabha, manut perarem.

ra. Pamutus bebawos beriuk sepanggul (ingkup) punika  
kemanggehang prade tan prasida suara makehan pinaka pamutus.

ka. Yening krama desa cedok ring awig-awig inucap kedanda arhta  
manut perarem

(3) Prade daging paruman lan kaingkupin mangda prajuru desa ngilikang  
bebawos saha putusan mangda keraremin antuk krama desa bilih tan  
prasida kasungkemin jantos ping tiga Prajuru wenang nunas bawos  
ring sang ngawe wenang.

Gong Warung

Pawos 20

(1) Sangkepan prajuru kawenang wantah ngerincikang usaha Desa  
kapungkur

(2) Sangkepan prajuru tan wenang ngewedalang tetegenan ring krama  
sadereng kaingkupin antuk krama desa

(3) Pamutus sangkepan prajuru ngewetuang pasuara, maka pidaging  
pituduh sang ngawewenang utawi ngonekang perarem krama desa.

## Palet 5

### Indik Druwen Desa

#### Pawos 21

Padruwen Desa Pekraman Kebon sekadi ring sor :

- ha. Wewangunan suci mekadi parhyangan/penyiwian-penyiwian Desa Pekraman jangkep saha sarana upacara pebaktiannyane;
- na. Balai Desa utawi Balai Banjar tetiga
- ca. Setra Desa Pekraman apelebaan.
- ra. Pura Puseh, Pura Mascepi, Pura Bale Agung, Pura Dalem
- ka. Ilen-ilen wewalian sekadi rejang, pendet lan baris
- da. LPD Desa Pekraman Kebon
- ta. Gong Abarung
- sa. Tios-tiosan sane pacang manggeh druwen desa

#### Pawos 22

Olih-olihan Desa Pekraman Kebon luwire :

- ha. Urunan Krama Desa
- na. Paica saking Guru Wisesa
- ca. Pahan Prabea Panyangutan saking LPD
- ra. Paica – paica utawi usaha tiosan sane patut.

### Pawos 23

- (1) Parjuru utawi dulun desa wenang ngetangang druwen desa
- (2) Pikolih krama desa keanggen prabeya piodalan saha wewangunan ring pura miwah sane tiyosan
- (3) Nyabran pesangkepa: utawi nyabran wusan ngaturang wali, prajuru utawi dulun desa pengemong druwen desa ngawentenang parindik munjuk lungsuring padruwe ring krama desa
- (4) Sakaluwiring druwen desa patut wenten ilikitannyane
- (5) Tan kalugra ngadol, nyepih utawi ngesahang padruwen desa yan tan kasungkemin antuk krama desa.

### Palet 6

#### Sukerta Pamitegen

#### Kaping 1

#### Karang Lan Tegal

### Pawos 24

- (1) Krama Desa pengemong karang patut ngawatesin karang inucap antuk pagehan utawi tembok mangda pekantenannyane asri turmaning mangda sami mapemedal kemargine (nenten wenten karang kabebeng)
- (2) Wates sisi kaler miwah kangin patut kekaryanin antuk sang ngamong karang inucap sane mewasta magaleng keluwan, sejawaning tanah, tegal utawi tanah padruweyan ngeraga sane

kapiara wate: sisi kelod miwah kauh, rehi punika mewasta  
magaleng ketien

- (3) Prade kerasayang paguhan/turus inucap ngelikadin, yan pada arsa  
penyandinge n-ganggen pinget kewanten kesaksi antuk prajuru desa  
utawi pracihne pal saking sang mawang rat.
- (4) Prade wenten karang kebebeng mangda keutsahayang wenten  
pemarginnyane

#### Pawos 25

- (1) Sinalih tunggil krama desa tan kalugra :

ha. Ngalah-alah margi, karang lan sepenunggalannyane  
na. Ngalah-alah tanah, tegak kahyangan, setra, lan sekancan tegak  
sinanggeh suci

- (2) Prade wenten sekadi ring ajeng, sang ngalah-alah patut ngewaliang  
tanah inucap saha kené pamidanda sepatutnyane, kedulurin upakara  
ring pengalah-alah tanah suci.

#### Kaping 2

#### Pepayonan

#### Pawos 26

- (1) Ngawit nandur pepayonan utawi tanem tuwuh patut adepa agung  
ngajeroang sakeng wates, prade jantos ngeliwat wates wenang  
kesepat gantungin

- (2) Yening wenten tetanduran ngungkulin, semaliha mewastu mayanin kapisaga patut kewara antuk paiguman ping ajeng praside sang neruwenang wit ngerebah utawi notor.
- (3) Prade sampun kewara taler tan wenten usaha sang neruwenang, wit sang rumasa katiben utawi kajerihan wenang mesadok ring prajuru tur risampun keparitias kalugra ngicalang pepayonan inueap sakewanten patin pepayonan patut ketawur manut panglokika sang nepasin
- (4) Sang keni pamitanda penyanggaskara saha prabia manut perarem arep ring wewangunan sang kerubuhan, luwire
- ha. Sang neruwenang sang sinanggeh mayanin prade pungkut ngerubuhin wewangunan krama tios;
- na. Sang notor nunggal utawi ngebah taru tur ngerubuhin krama tios
- (5) Krama desa patut ngemanggehang kawerdian tanem tuwuh sane ngawinang desane asri tur lestari, saha tan kapatutang ngebah taru sadereng polih wak-wakan prajuru utawi pituduh Guru Wisesa

### Kaping 3

#### Wewangunan

#### Pawos 27

- (1) Nyabran ngewang in patu...

ha Mesadok ring prajuru, ping ajeng prade wewangunan nganinin wates.

na. Ngangge gegulak asta bhumi miwah asta kosala-kosali sanistane manut ring petitis n skala

ca. Tan nyayubie kapisaga

- (2) Prade wewangunanjantes nyayubin bilih-bilih temboke ring telengin wates, risampun kewara tur kesadokang ring prajuru, wenang kedanda manut perarem saha tembok inucap kegubar utawi sanistane mangda kekaryanang abangan.

#### Kaping 4

#### Wewalungan

Pawos 28

- (1) Sahanan warga desa sane mamiara wewalungan, patut sayaga nitenin negul utawi ngeloger mangda tan ngerusakin karang utawi paabianan krama siyos, bilih-bilih jantos ngeranjing ngeletehin Kahyangan.

- (2) Prade wenten wewalungan ngelumbar utawi ngeleb ngerusakin karang utawi paabianan krama siyos, risampun kewara kengin ketaban tur kadanda, ngewaliang wit sane rusak saha naur pelepasan papiraan tetapanan, manut pengelokika prajuru desa

- (3) Prade jantos ngelethi tegak suci, minakadi pemerajan risampun keparitatas amu, prajuru, wenang sang nruwenang kedanda mabuhu agung, tebasan prayascita gurmanggala utawi panca sata iwak bebek belang kalung prade jantos ngelethin kahyangan desa utawi para pemaksan.
- (4) Krama desa patut nyanzgra wewalungan miwah sarwa prani, tur tan kepatutang moosin sane prasida ngicalang kawerdian mucap sadereng wenten wak-wakan prajuru utawi pituduh Guru Wisesa.

## Kaping 5

### B h a y a

#### Pawos 29

- (1) Pari indik bhaya luwire .  
 ha. Jiwa bhaya;  
 na. Artha bhaya;  
 ea. Dura cara ring Agana lan sane siosan.
- (2) Sang ngamanggi lin kat benan jiwa bhaya, patut nepak kulkul bulus mapitulung mané Pawos 16 (2) aksara ea.

- (3) Prade ring Desa kelanan jiwa bhaya, patut desane ngaturang upacara Bhuta Yadnya tur sang mayanin katur ring sang ngawewenang.
- (4) Prade wenten jidma mamisuh utawi nguman-nguman jidma sios, saha wenten nyaksinin kakenanin pamidanda bea pecamil tebasan prayascita manna perarem.

#### Pawos 30

- (1) Sang manggihin kehnan artha bhaya utawi kemalingan, patut ngulkul mapituh ng manut ring Pawos 16 (2) aksara ca, utawi sang kemalingan maber supiksa ring prajuru desa sane pacang nimbangin utawi nuntun manut uger-uger Guru Wisesa saha mawuwuh penyanggaskara prade wenten jatma ngemaling barang sinanggeh suci.
- (2) Pratingkahe manailon ring dista kebawos saroro prade wenten jidma manggihin maling tan nyadokang ring Prajuru jantos jatma tios nyaduang patut kedanda kadi dandaning maling, sakweh pengangan wit manut cacakan Desa, tur prade jantos ping tiga melaksana sapunika wenang kasuk serahang ring sang ngawewenang.
- (3) Prade wenten jidma ngerereh raramon, minakadi taru, saang, daun kelapa, ron lan sepenunggilannyane tan pesadok ring sang nruwenang, prade kacunduk utawi ketara patut kedanda kadi dandaning maling.

- (4) Yening wenten jadma ngeranjingin kepakubon wiadin kepekarangan tiyos rikala sawung, mewastu sang madruwe karang kaicalan, wenang jadma inucap katuwekang, antuk madewa saksi ring Pura Bale Agung.
- (5) Mangda tan katuwekang manut ring ajeng, asing-asing ngeranjingin kubon jadma sios patut ha. Matengeran swara (nekaukan);
- (6) na. Nyantos sang nruwenang karang rawuh, utawi masadok ring sang pengapit pinuh tanpek, maka buatan pangranjinge;
- (7) ca. Pamedal karangane kadagingin sawen, maka cihna ramapengarah rikala sawung.

#### Kaping 6

#### Penyanggran Banjar

- (1) Sawastu warga Desa Pawos 31 Krama Banjar/Desa rikala ngawentenang karya suka duka, patut kesanggra antuk Banjar/Desa ha. Prade ngewangi Pitra Yadnya utawi yadnya sane siyosan patut kesanggra antuk krama banjar/Desa manut pinunas sang meyadnya.
- na. Pengerombo utawi karya gotong royong krama jantos ping tiga, selangkung punika patut katuran pangu.
- ca. Pangu rikala Pitra Yadnya manut abot dangan yadnya.

## Kaping 7

### Indik Pariwerti

#### Pawos 32

- (1) Sehanan warga Desa Pekraman tan, kepatutang majejemuhan, ngutang leluhu, nebacin ring margi agung, tur ring genah sane nenten kepatutang sane prasida ngicalang pasukertaan Desa Pekraman.
- (2) Krama Desa patut ngewerdiang ring sajeroning setra, nandur sarwa sari mangda seta inucap pekantenanyane asri.
- (3) Telajakan karang sane majeng margi agung, patut kapiara nyabran rahina tur ketandurin sarwa sari.
- (4) Sehanan warga Desa Pekraman patut mabersih-bersih nyabran rahina ring karang paumahan saka sakeng telajakan ring ajeng rawuhing got utawi kekalen lan margi agung.
- (5) Sehanan warga Desa Pekraman kepatutang madruwe genah mabacin utawi WC (Water Close).
- (6) Sang sapa sira ugi sane memurug pidabdab inucap kani pamidanda manut uger-uger sakeng guru wisesa.

CAT HUKTAS SARGAH

SUKERTA TATA AGAMA

Palet I

In Jik Dewa Yaduya

Pawos 33

(1) Palingih Panyiwian sewidangan Desa Pekraman Kebon luwire :

- ha. Kahyangan Tiga : Pura Puseh Pura Bale Agung miwah Pura Dalem Agung
- na. Pura Dalem Pingit.
- ca. Pura Dalem Masceti

(2) Rahina piodalan piodalan soang – soang kadi ring sor

- ha. Pura Puseh, Pura Dalem Masceti lan Pura Bale Agung rikala Saniscara Kliwon Landep
- na. Pura Dalem Agung rikala Anggara Kliwon Dukut
- ca. Pura Dalem Pingit rikala Anggara Kliwon Tambir

(3) Pengaci ring Pura inucap manut kecap Sastra Agama saha kangkat kelaksanayang nista, madya, lan utama.

(4) Rikala ngemargiyang piodalan utawi karya sadereng pamuspaan patut karihinin antuk Tri Sandya.

(5) Pangempon soang-soang pura manut dresta sekadi ring sor :

- ha. Pura Kahyangan Tiga kaempon antuk Desa Pekraman
- na. Pura Dalem Agung kaempon antuk Desa Pekraman/Banjar
- ca. Pura Dalem Pingit kaempon antuk Banjar Kebon Kangin

ra. Mungguing druwe miwah seupakara --upacara kaetangang antuk pangemong soang-soang pura inucap

ka. Pura Dalem Masceti keempon antuk Krama Pengarep

#### Pawos 34

(1) Ring soang soang pura inucap patut ngadegang pemangku

(2) Ngadegang pemangku inucap angka (1) manut dudonan :

ha. Nyanjan utawi masemurang, soang-soang mapiteges mapinunas ring ajeng parhyangan desa utawi ring balian sonteng, lan sepenunggilannyane

na. Keturunan utawi ngewaris

ca. Kecatri (pilihan Krama Desa)

ra. Mawiwit sakeng Krama Desa Pekraman Kebon

(3) Tan kawenang keadegang dados pemangku luwire :

ha. Ceda angka luwire : peceng, perot, cungh, lan sepenunggilannyane

na. Sakit ila, ayan, lan buduh, wiadin edan

ca. Sane mederbe kesucian urip tan becik

ra. Sang sapa sira ugi sane tan kepatutang manut perarem

(4) Prabya kepemangkuar

ha. Adiksa Widhi (ngawintenin) kemenggala saha kelaksanayang antuk sang ngadegang mekadi Krama Desa

na. Mapitra Yadnya riweka s. patut kelaksanayang antuk Krama Desa  
utawi krama saka ngadegang

(5) Pemangku patut ngemangzhang sesananing pemangku, luwira tan  
wenang ajejuden miwah sene tiosan.

#### Pawos 35

Swadharman pemangku luwira :

ha. Ngenterang upakara utawi Yadnya ring Parhyangan Desa Pekraman,  
saha kangkat ngenterang upakara ring sajeroning soang-soang  
pakubon krama

na. Tan wenang salab sulub yan mamurug wenang pemangku inucap  
nyepuhin raga

ca. Prade sinalih tunggil pen angku kahyangan tiga kapiambeng kengin  
nyelang pemangku kahyangan Tiga ring Desa utawi nuur sang  
Sulinggih.

ra. Semaliha yan sampun pemangku ngayah tigang rahina ring pura  
kancit wenten kulawargannyane padem, pemangku inucap tan  
kekanin cuntaka, sakewanten mangku tan budal selami piodalan

#### Pawos 36

Petitis utawi olih-olihan pemangku luwira :

ha. Polih pah-pahan atanding;

na. Luput ayah lan urunan karya;

- ca. Luput rerampen;
- ra. Polih sesarin carang;
- ka. Polih penganggé arangsukan 2 (kalih) masa apisan sakeng krama sane ngadegang;
- da. Olih-olihan siyos manut perarem

Pawos 37

- (1) Pemangku kegentosin riantukan :
  - ha. Seda
  - na. Pinunas ngeraga, menawi kegeringan lan sepenunggalanyane
  - ca. Kawusanang antuk krama sangkaning melaksana sane tan patut (Asta Dusta)
- (2) Yening wenten jatma siosan ngaturang upakara-upakara ring kahyangan tan pesadok ring prajuru Desa Utawi pemangku patut kedanda manut perarem tur ngaturan pesapuh-sapuh manut Agama.
- (3) Yening wenten jatma ngaryanin cendala ring pemangku patut kekenaning danda manut perarem, tur merasicitayang pemangku punika

Pawos 38

Kasukertaan Kahyangan kadi ring sor :

- (1) Tan kalugra ngeranjing ring Pura luwire :
  - ha. Sang Katiben Cuntaka, minakadi sebel sakeng ngeraga :
    - 1 Sebel kandel :gerajasuwala selami dereng mabersih;

2. Sebel madruwe putra, selami dereng kepus odel sane lanang, saha sane istri ngantos 42 (petang dasa kalih) rahina utawi akanbuhari;

3. Sebel pengantenan, selami dereng mabiyakala, sadurung mesapuh utawi nyeeb brahma;

4. Sebel riantukan madruwe kulawarga kepademan utawi Kelayu sekaranan selami dereng ngelaksanayang Upakara Mesapuh utawi Nyeeb Brahma.

na. Makta sehanan barang sinanggeh ngelethin;

ca. Sato agung, sajawaning rikala mapapada;

ra. Mabusana tan manut kadi tata caraning ngeranjing ke Pura;

ka. Sadereng polih wak-wakan utawi pituduh Prajuru utawi pemangku.

(2) Pratingkahe tan wenang ring Pura :

ha. Masumpah (cor) sajawaning pituduh Prajuru;

na. Mekobetan, masenergan, makolem dados asiki lanang wadon, mebacin, mewarih, nyangsang busana, mececepin anak alit;

ca. Mungghah tedun ring Palinggih, sajawaning pituduh Prajuru;

(3) Sang memurug kecapine ring ajeng, keni pamidanda pemerayascita sepatutnyane.

### Pawos 39

- (1) Yen wenten jadona karawuhan ring Pura, kengin kepintonin prade rumasa kasumaragsayan, yan tan wiyakti, jadma inucap kasisipang kedanda prayascita, manut perarera.
- (2) Prade ring Katiyangan kehanan durmanggala, minakadi kapanca bhaya, Prajuru patut digelis marumang Krama Desa tur ngawentenang pemerayascita sepatutnya.

### Palet 2

#### Indik Resi Yadnya

### Pawos 40

- (1) Sang pacang madeg Pandita utawi Pinandita, Dalang sakeluiring sane jagi ngenterang Yadnya, patut masadok ring Prajuru Desa, kalih ring Parisadha Hindu Dharma Indonesia (PHDI).
- (2) Prajuru Desa patut ngawas nitenin tur wenang ngalengin prade wenten kacihnna sarasar kekecap miwah drestane, tur sareng nyaksinin upakara saha nyiarang ring paruman Desa tegep rauhing wates kewenangan ngenterang Yadnya.
- (3) Krama Desa/Banjar patut ngaturang ayah sepemadeg miwah ring pengelepas sang sulinggih riwekas katuntun antuk Prajuru.

### Pawos 41

- (1) Sang Sulanggih patut ngeriyinang ngayunin ring wewidangan jagat Desa Pekraman, sesampune puput wawu kangkat muputang Yadnya ke jebat iyos jagat utawi ke dura desa.
- (2) Krama Desa patut sareng ngawas nitenin, katuntun antuk Prajuru, mangda sehanan yadnya sane kawentenang kaicen pamuput olih Pedanda utawi Pinandita manut kawenangannyane soang-soang.

### Palet 3

#### Indik Pitra Yadnya

### Pawos 42

Pamargin Pitra Yadnya madudonan manut sekadi ring sor :

- (1) Pangupakaraan sang kelayu sekaranan ;
  - ha. Antuk mendem utawi ngeseng maka cihna pakingsan ring Ibu Pertiwi selam: nuptupang prebya.
  - na. Atiwa-tiwa (upakara pengabenan utawi palebon).
- (2) Upakara upacara pitra yadnya riwisan keabenang mewastu munggah daun bingin (nge:oras) wawu kekaryanang palinggih Dewa Hyang Bhatari

### Pawos 43

Swadarmaning lan tategenan prade wenten sinalih tunggil krama kelayu sekaranan ;

- (1) Sang keduhkitan patut  
 ba Nyadokang ring bendesa tut munas tetimbangan ting  
 kawentenam, ane  
 na. Ngaturin krama ngerombo mekarya eteh-ete sawa kedulurin  
 panyembrama canang pengerombo nganter ngantos ke setra;  
 ca. Prajuru maritatas pemargin sang kaduhkitaan, napike pacang  
 kapendem, mangkingsan riyin utawi lantur kaabenang;  
 ra. Indik salah pati lan ngulah pati manut putusan Pesamuan  
 Agung para Sulinggih lan Walaka ring Campuan Ubud, 21  
 Oktober 1961 sane kelayu sekaranan kadi salah pati lan ngulah  
 pati patut kebawos mati bener (seda biasa) saha kangkat  
 kaupakara kadi ngupakara sawa seda biasa sane sampun  
 ketah memargi, saha kadulurin antuk upakara penebusan lan  
 pangulapan manut Sastra Agama Hindu;  
 ka. Sang sane seda utawi putus inucap aksara ra, utawi seda ring  
 Dura Desa, Rumah Sakit, lan genah-genah sane siosan, sadereng  
 kaupakara, kangkat keajak budal ke pakubonyane soang-soang,  
 saha selanturnyane kaupakara manut Sastra Agama.
- da. Penyanggran Desa/Banjar selanturnyane :
1. Soang-soang Krama Desa/Banjar Pekraman manut perarem;
  2. Ngerombo ngarwanin eteh-ete sawa, saha kesarengin antuk  
 krama sane rawuh meaksian;

- 10) Saniscara Umanis Watugunung
  - 11) Redite Umanis Ukir (Odalan Bhatara Guru)
  - 12) Wuku Walangiti, Penanggal Ping 11 (solas)
- sa. Wuku Langkir ngentos Buda Kliwon Pahang, (Buncal Balung);
- wa. Sasih ke 10 (Kedasa) tanggal ping 13 (telulas);
- la. Dewasa kekeran manut Desa Pekraman
- (4) Prade wenten kelayu sekaran, rikala piodalan, kengin kasurupang tan maupakara tanpa sedok tur memargi wengi
- (5) Tan kalugra nginepang bangbang.
- (6) Prade sane kelayu sekaran ngadut manik, patut manik inucap kawijilang riyin wawu maupakara.
- (7) Tata cara ngaragge Setra manut paetangan prajuru miwah dresta.
- (8) Prade pacang mendera utawi ngabenang sawa ring Setra Desa Pekraman sanc sadereingnyane tan ngeranjing dados Warga Desa Pekraman (Kerob) utawi mawit sakeng Desa Pekraman tiyos, patut nawur penanjung batu kewastanin. akehnyane manut perarem.

#### Pawos 44

- (1) Sane kasinanggehi cuntaka sekadi ring sor :

- ha. Cuntaka antuk kelayu sekaran;
- na. Cuntaka antuk ngeraja sewala;
- ca. Cuntaka antuk ngembasang putra;
- ra. Cuntaka antuk karuon;

- ka. Cuntaka anak sakti ila, utawi buduh;
  - da. Cuntaka anak pawiwahan;
  - ta. Cuntaka anak getiria gamana;
  - sa. Cuntaka anak saleh timpal;
  - wa. Cuntaka yening wenten anak istri mobot nenten kaupakara pabiyakawonan tur pawidi widanaan;
  - la. Cuntaka anak manitra ngalang
  - ma. Cuntaka yening wenten anak istri ngembasang putra, sadurung maupakara pabiyakawonan tur pawidi widanaan;
- (2) Sengker cuntaka manut kawentenanyane :
- ha. Cuntaka Kelayu sekaran, cuntakanyane 12 (roras) rahina manut sekadi loka dresta miwah sastra dresta Desa Pekraman Kebon utawi nyantos Nyeob Brahma;
  - na. Cuntaka Ngeraja Sewala, 3 (tigang) rahina ngawit saking ngeraja sewala utawi selami ngeraja sewala;
  - ca. Cuntaka ngembasang putra, kepus odel sane lanang ngawit saking putrane embas, utawi nyantos sampun kaupakarayang mekekambuhan tur meperasyascita manut sekadi Agama, sane istri;
  - ra. Cuntaka karuron, cuntakannya abulan pitung rahina 42 (petang dasa dua) rahina tur sampun matirta pemerasyascita, lanang 3 (tigang) rahina.

- ka. Cuntaka pawiwah in, cuntakanyane ngantos sesampun matirta pabiyakawonan;
- da. Cuntaka gania gamana, cuntakanyane ngantos sesampune kapalasang utawi kasapihang tur sampun kewentenang pamrayascita raga miwah pamrayascita Desa Pekraman lan Kahyangan;
- ta. Cuntaka salah tinpal, kapuputang manut ring Agama Hindu miwah dresta antuk Krama Desa Pekraman;
- sa. Cuntaka anak istri mobot nenten kewentenang upakara pabiakaonan, cuntakanyane ngantos kawentenang upakara pabiakaonan;
- wa. Cuntaka manitra ngalang, cuntakanyane ngantos kawentenang upakara pabiakawonan;
- la. Ngembas putra nenten kawentenang upakara pabiakawonan miwah upakara pawidi widanaan, cuntakanyane ngantos wenten sane memeras sang putra, tur sampun kawentenang upakara sekadi manut ring ajaran Agama Hindu;
- ma. Prade sinalih tunggil warga Banjar wenten ngembasang putra kembar utawi buncing tan patut kebawos ngeletehin desa dwaning asapunika cuntakanyane pateh sekadi ngembasang putra biasa.
- (3) Cuntaka kelayu sekaran utawi kapademan :
- ha. Kapendem, cuntakanyane :

1 Pengapit, pemapas utawi penumbak pekarangan 12 (roras) rahina ngawit ngutang lan desa ngantos 3 (tigang) rahina saha sampun mesapuh.

2 Kulawarga ngarep ngantos 12 (roras) rahina saha sampun masapuh.

na Ngaben, cuntakanyane :

Sang nyambut karya Pitra Yadnya cuntakannya ngawit saking ngadegang rawuh riwus yadnyanyane (mapepegat) saha sampun mesesapuh.

(4) Sane katiban cuntaka luwire :

ha. Kelayu sekaran sane cuntaka :

1) Sang sane ngarepang kelayu sekaran

2) Kulawargannyane

3) Banjar 3 (tigang) rahina

na. Ngeraja sewala sane cuntaka : sang sane ngeraja sewala;

ca. Ngembasang puur: sane cuntaka : sane kulawarganyane sane ngembasang putra, lanang wiadin istri;

ra. Pawiwahan sane cuntaka : sang sane kaupakara pawiwahan lanang wiadin istri;

ka. Keruron sane cuntaka : kulawarganyane sane lanang wiadin istri;

da. Gamia gamiana sane cuntaka : sane ngelaksanayang gamia gamana miwah Desa Pekramannyane;

ta. Anak istri mobot tan kewentenang upakara pabiakwonan,  
sane kacunukan sane meraga istri (sane mobot);

sa. Mamitra ngalang sane cuntaka : Sane ngelaksanayang mamitra  
ngalang;

wa. Ngembas putra tan kawentenang upakara pabiakawonan miwah  
pawidi widanan, sane cuntaka :

1. sang sane ngembas putra
2. putra sane embas, yen wenten memargi sekadi inucap patut  
ngelaksanayang; pemrayascita Kahyangan Tiga.

#### Pawos 45

(1) Atiwa-tiwa (pengabaran) kelaksanayang manut dresta.

(2) Panemayan Ngaben wenten kalih pawos :

ha. Ngaben dadakan/bahbangun kedadosang sajeroning  
mesengker wuku utawi 10 (dasa) rahina;

na. Ngaben nuasa niri-niri lan ngaben pupulan utawi ngumum  
nyabran 5 (limang) warsa apisan nemonin Sasih Karo,  
sejawaning wenten parindik tiyos manut perarem.

#### Pawos 46

(1) Peputusan Ngaben sakeng Krama manut perarem.

(2) Sang madruwe Kelayu sekaran polih pengerombo sakeng krama  
ngawit pinugas sang mayudnya saha indik patedunan krama lanang

wiadin istri maout kapentenan karya tur manut sekadi pinunas sang  
meyadnya

- (3) Sang sane sejeroning ngemargiang pengabenan tan kepatutang  
ngewales jenulon, saha tan kepatutang ngemargiang pewartangan.

#### Pawos 47

- (1) Sejeroning krama desa nyanggra pitra yadnya, krama sane nyambut  
karya kangkat matempungang sawa sane mawit sakeng Desa  
Pekraman tiosan utawi pecak tan ngeranjing dados Krama Desa  
Pekraman, saha patut rawur peraub karya soang-soang sawa manut  
perarem
- (2) Prade sinalih tanggung! krama Desa pacang matempungang sawa  
ketiyos Desa Pekraman sejeroning ngewangun Pitra Yadnya nenten  
polih pengerombo desa lan pepatusan
- (3) Tiyos-tiyosan pemargin atiwa-tiwa kadi inucap ring ajeng indik  
pemargi anut pidabdab perarem

#### Palet 4

#### Indik Manusa Yadnya

Pawos 48

- (1) Manusa Yadnya inggih punika upacara-upacara dharmaning manusa, ngawit saking patemoning kama bang sajeroning garba, ngantos Kelayu sekaran riwekas
- (2) Upacara kadi ring ajeng madudonan sekadi ring sor  
ha. Magedong-gedongen, duk pengerempinian ibiang,  
na. Duk sang Kama Reka Medal;  
ca. Kepus odel lan roras rahina;  
ra. Tutug kambuhan 42 (petang dasa kalih) rahina,  
ka. Nigang sasihin;  
da. Pawetuan utawi oton utawi odalan (6 sasih),  
ta. Tutug Kalih (Ngeraja wedana, ngembakin utawi ngeraja singa lanange);  
sa. Metatah (mepandes)  
wa. Mawiwaha;  
la. Mawinten;
- (3) Upacara-upacara inucep kangkat nista, madia, lan utama manut sastra Agama, saha catar dresta maka buatan desa dresta ngawinang sima sara desa

## Palet 5

### Indik Bhuta Yadnya

Pawos 49

- (1) Bhuta Yadnya, inggih punika upacara-upacara pabiyakala ring pertiwi lan kahyangan, sarwa prani, saha upacara-upacara ring bebutan.
- (2) Upacara pabiyakala ring sarwa prani, luwire :
  - ha. Ring sarwa tumuwuh, rikala Tumpek Pengarah (Saniscara Kliwon wuku Wariga);
  - na. Ring sarwa ingon-ingon, rikala Tumpek Uye (Saniscara Kliwon wuku Uye);
  - ca. Upakara pekala-ka'aan manusa manut ring wiguna, kabawos pabiyakala;
- (3) Upacara pabiyakala ring pertiwi, kahyangan lan bebutan kawastanin mecaru.
- (4) Upacara inucap ring ajeng nista, madia, lan utama manut wiguna sekadi ring sor :
  - ha. Eka Sata;
  - na. Panca Sata;
  - ca. Panca Sanak;
  - ra. Rsi Gana;
  - ka. Tawur Agung;
  - da. Panca Kelud.

(5) Sejawaning kadit ring ajeng kawentenang upakara :

ha. Majot-jotan tawur Ya dnya sesa nyabran wusan ngerateng.

na. Masapuh-sapuh rika pacang wahi ring Pura.

#### Pawos 50

(1) Ngangken ngewarsa rik ilaning Tilem Kesanga kawentenang Tawur

Kesanga ketah kebawos Ngerupuk, maka cihna pacang mapag

rahinan penyepian benjangne.

(2) Upacara Penyepian sane pacang kamargiang antuk krama desa :

ha. Amati Geni, tan kengin meapi-api;

na. Amati Karya, tan kengin nyambut karya;

ca. Amati Lelanguan, tan kengin meoneng-onengan, mesuwara goro

lan sepenunggilannyane;

ra. Amati Lelungan, tan kengin melunga-lungan.

(3) Paberataan inucap kamargiang sakeng semeng ngantos benjangne

semeng raris kasuarayang kulkul pinaka cihna pengembak.

(4) Sang mamurug kecaping ajeng, keni pamidanda manut perarem Desa

sane kemargiang antuk Petelik (pacalang desa)

(5) Riwus rahina Nyepi maka cihna pangawit Icaka Warsa, patut

soang-soang warga Desa/Banjar sami ngaksama.

**PANCAMA SARGAH**  
**SUKERTA TATA PAWONGAN**

**Palet 1**

**Indik Pawiwahan**

**Pawos 51**

- (1) Pawiwahan inggih punika patemoning purusa predana, melarapan panunggalan kayun suka cita, kadulurin upasaksi sekala niskala.
- (2) Pamargi pawiwahanne tuwire :
  - ha. Pepadikan, kemanggala antuk pakrunan;
  - na. Ngerorod, merangkat rihin wawu kakrunayang;
  - ca. Nyeburin utawi sentana nyeburin risampun nganutin upakara pemerasan.
- (3) Pidabdab sang pacang mawiwaha, patut :
  - ha. Sampun manggeh deha teruna (presida nganutin Undang-undang Perkawinan);
  - na. Sangkaning pada rena (tan kapaksa);
  - ca. Manut kecaping Agama (tan gamia gamana);
  - ra. Kawisudayang (Sudi Wadani) prade pengambilan sios Agama
- (4) Pemargin pawiwahan mangda taler nganutin Undang-undang Perkawinan saking sang ngawewenang.

(1) Pawiwahan sane kepatatang ring Desa, sekadi ring sor :

- ha. Sampun ngamangiang pabiyakalaan utawi pesakapan, kesaksiang sekala niskala antuk Prajuru lan kapuput antuk pandita utawi pinandita;
- na. Wenten pesaksi Prajuru sane mapekelinging utawi ngilikitayan; pawiwahan;
- ca. Prade sang nawiwaha ke tiyos desa, sane ngambil patut nawur prabeya pangelus kerob akehnyane manut perarem;
- ra. Pawiwahan inucep ring ajeng raris kecatatang ring Kantor Camat lan Kantor Catatan Sipil Kabupaten Bangli.

(2) Pawiwahan sane tan manut kadi ring ajeng sinanggeh tan patut.

Tata cara perabian :

- (1) Sapasira ugi pacang ngewarangang pakulewargannyane patut mesadok ring prajuru selanturnyane, prajuru maritatas, manut tan manut kekecap perabiannyane
- (2) Pemargin pepadikan manut dudonan :
  - ha. Pakrunan jantos ping tiga, saha soang-soang melarapan antuk :
    - 1) Kapertama antuk canang Taksu;
    - 2) Kaping kalih antuk canang lan sajeng.
    - 3) Kaping tiga antuk tipat bantal, kebawos pemuput pepadikan.

- na. Risampun pupu raris sang istri kaajak budal ring pakubon  
sang lanang saha kelanturang antuk upacara pabiyakala.
- ca. Mangda pupu ramus sekala niskala, raris kulawarga purusa  
makta pajati metipit bantul ring merajan wadone.

(3) Prade ngerorod utawi merangkat patut :

- ha. Reraman lanang ngewentenang pamilaku antuk duta  
sekirangnyane 2 (kalih) diri;

- na. Pagenahan antene tan kengin ring Geria sang lanang sadereng  
mabyakala.

(4) Sajeroning pakrunan utawi pangelakuan patut :

- ha. Kemanggala antuk geng pangampura arep ring reraman  
wadone;

- na. Kaigumang lawos indik idih pakidih utawi pelegayan arep ring  
pasuwakan sang ngedih saha dewasa-dewasa pekrabkambeyan  
riwekas;

- ca. Kecihnayang indik kepurusa, utawi prade sentana rajeg  
kejejerang, kepatut ngedih anak lanang sane kebawos  
pawiwahan nyeburin, tur risampun sulur pamerasan kategepin  
kemanggehang sentana nyeburin;

- ra. Prade tan keterima pelakuan pejati, pekrunane kamargiang  
jantos ping tiga, yening antene sampun nganutin pidabdab sang

- pacang mawiwaha, upakara patut kelaksanayang saha  
kemanggala antuk Prajuru Desa.

(5). Pakrabkambeyan, mapiteges upacara tinas apadang (puput)  
mapikuren, dwaning rinut sekadi ring sar :

ha. Sajeroning kabawos ambe, kelaksanayang ring sekala niskala  
antuk saran jejaunan miwah pawidi widana :

1 Jajaunan pinaka ngambe utawi ngadungang kayun  
suwang-suwang pakulawargaan wadone.

2 Widi widana pinaka pejati niskala nunas wadone utawi  
larange yening nyeburin ring Pamerajan kemulannyane.

na. Sajeroning pawos kerab kambe pelaksana ring sekala :

1 Antuk pesaksi krama desa dwaning kekerabang antuk  
tatengeran kukul.

2 Pamekas pesaksi Prajuru saha ngilikitayang.

## Palet 2

### Indik Nyapian

#### Pawos 54

(1) Pawiwahan prisida kawusanang malarapan antuk palas merabian  
utawi kepademan.

(2) Wusan mapikuren riantukan sinalih tunggil seda mapiteges balu,  
mekadi balu larang utawi istri.

(3) Palas merabian inggih punika sangkaning mawiwit wicara.

(4) Sang ayat palas merabian, patut matur supekta pailikitan rihin ring  
sang rumawos (Pengaduan Negeri) wasu tinas apadang pamutuse  
kabawos nyapiar wawu Prajuru nyiarang kawentenannyane ring  
Desa.

#### Pawos 55

Tata cara palas merabian sekadi ring sor :

ha Nawur prabeya pesaksi sinalih tunggil sami matenga.

na Fagunakaya polih pahon pada.

ca Pabekel, tatadan soang-soang kekuasa niri-niri, miwah warisan  
kekuasa antuk purusa.

ra Ngaweruhin miwah ngupajiwa pratisentana manut swadarmaning  
guru rupaka.

#### Pawos 56

Prade riwekas sang palas kacihnan adung malih, patut :

ha Ngelaksanayang pawiwahan malih.

na Kedanda nikel saking danda palase pecak manut perarem.

#### Pawos 57

(1) Sang balu kabinayang dados :

ha. Balu luh wit sentana (sentana rajeg) miwah balu luh boya sentana;

na. Balu muani kepurusa (wit sentana) miwah balu muani nyeburin  
(boya sentana).

(2) Swadarmaning balu inucap patut :

ha. Ngemangehang patibrata, tan kengin ngamargiang paradara  
utawi dratikrama;

na. Ngutsahayang waris pagunakayaan tan dados ngadol,  
ngadeang, makidhang lan siosan punika, sejawaning  
kebebasang saking putra utawi kulawarga pinih tampek saking  
kurenanyane prade pianak kantung alit-alit;

ca. Kengin ngidih sentana prade wenten pidabdab sedurung  
sinalih tunggil seda, saha keutsahayang kabebasan antuk  
kulawarga inangreh kepurusa;

ra. Kawenangang mawiwaha malih, yening sampun mawaneng  
tigang sasih, prade kantung mobot nyantos putrane embas;

#### Pawos 58

Balu kaucap tan pageh, seladi ring sor :

ha. Dratikrama utawi paradara;

na. Matilar saking pakubon tan pasadok jantos 6 (nem) sasih;

ca. Lempas ring swadarman sewos-sewos, tan presida ngehehin  
solah maprewerti tan becik marep ring pituduh kulawarga  
purusa;

### Pawos 59

Sapasira ugi Warga Desa Pekraman Kebon tan kepatutang ngerabi wong arabi, prade memurog kedanda manut perarem saha prade wicaranyane tan prasida kebawosin ring pekraman patut kasukserahang ring sang ngawiwenang.

### Palet 3

#### Indik Sentana

### Pawos 60

- (1) Sentana wenten kalih pawos, sane kaucap pretisentana miwah sentana paperasan.
- (2) Pretisentana, inggih punika sentana sane metu saking pawiwahan kapatut.
- (3) Prade pawiwahane tan kepatut ngewetuang sentana, mangda tan kantung kewastanin bebinjat wiadin astra, patut kamanggala antuk penyangaskara ucawi sesipatan.
- (4) Prade pawiwahan tan ngawetuang sentana kengin, ngidih sentana antuk upasaksi sekala niskala sane kewastanin sentana paperasan.
- (5) Sentana rajeg, inggih punika pretisentana wadon (predana) sane kemanggehang lanang, (purusa) tur sampun ngelaksanayang pawiwahan nyeburin.
- (6) Sang sane dados kearayang sentana rajeg inucap, wiwit 5 (lima) inggih punika :

- ha. Preti sentana wadon tunggal,
- na. Sampun kemanggeling dados pretisentana lanang (purusa),
- ca. Kepawiwahan kacaburin, kautamayang antuk jatma sane meAgama Hindi, utawi jatma sane meAgama tiyosan sane sampun ngelaksanayang pamarisudha raga, utawi sudi wadani,
- ra. Sane kamanggeling sentana rajeg patut nguningayang ring Prajuru Desa, saha prajuru Desa patut nyiarang ring Desa Pekraman.

#### Pawos 61

- (1) Ngangkat sentana manut dudonan patut makecihna arta berana pamerasan saha kasasiang sekala niskala.
- (2) Sapasira ugi krama pacang ngidih sentana patut nguningayang ring Prajuru Desa sanistane asasih sedereng pamerasan.
- (3) Bendesa kangkat kewakilin antuk Prajuru Adat tiyosan nyiarang ring sewidangan Desa, sang sapa sira ugi rumasa tan lila mangda nyadokang masengke kalih wuku sabanen pamerasan ring Bendesa.
- (4) Prajuru Desa digelis mawosin saha ngicenin pemutus nepek ring catur dresta miwah perarem.
- (5) Prade sulur pamerasan tan manut kecaping ajeng, Prajuru Desa wenang ngandeg sang pacang mekarya, saha ngicenin penuntun, mangda kapupitang rihin bebawos, sulur utawi wicaranyane.

## Pawos 62

(1) Peperasan sane patut ring Desa sampun maka cilma

ha. Widi widana pemerajan,

na. Kesaksinin antai Prajuru, sane makelingang utawi ngilikitayang;

ca. Kesiarang ring wewadangan desane.

(2) Sane patut keperas angge sentana, kadi ring sor :

ha. Jatma MeAgama Hindu

na. Papernahan nedunang saking sang meras;

ca. Kulawarga saking purusa, prade tan wenten kengin saking wadon, yening taler tan wenten wawu kengin sekama-kama saking kayun,

ra. Kautamayang saking waris pancer kapurusa;

ka. Sinalih tunggil mawiwit kulawarga tunggal sanggah utawi merajan, paibon ian dadia utawi ngambilin anak sios sakewanten sang meAgama Hindu.

(3) Kengin ngangkat sentana lintang adiri lanang wiadin wadon.

## Palet 4

### Indik Warisan

## Pawos 63

(1) Warisan, inggih punika tetamian arta berana saha ayah-ayahan ngupadi sukerta sekala niskala sakeng kulawargannyane arep

ring turunannya:

(2) Sane sinanggeh warisan luwire

ha. Druwe teugah karang, Kahyangan, Pusaka, lan  
sepenunggalanyane

na. Pemerajan utawi sagah,

ca. Pegunakaya, tatadana utawi jiwa dana, utang piutang.

(3) Wawu kengin keawos warisan prade wenten.

ha. Sang mapiturna (pevaris)

na. Keturunan (ahli waris).

ca. Arta berana utawi tategenan-tategenan (ayah-ayah) makacihna  
warisan.

#### Pawos 64

(1) Ahli waris luwire :

ha. Preti sentana purusa;

na. Pretisentana predana (sentana rajeg);

ca. Sentana peperasan lanang utawi wadon.

(2) Prade tan wenten seka di ring ajeng, kang sinanggeh ahli waris :

ha. Turunan purusa pernah ngunggahang, rerama lanang pekak,  
selantur ipun rerama misan mindon;

na. Turunan purusa pernah kesamping, mekadi keponakan miwah  
mindon.

Pawos 65

Swadarmaning ahli waris pitut

- ha Nerima saha ngisahayang tetamian pahan saking  
keluhurannyane, meladi ngempon sanggah, pura saha  
pangupakarannyane, miwah nyelidhi ayah-ayah pewartis.  
na Melebonang pewartis saha ngelanturang upacara-upacara pitra  
ca Nawurin utang-utang pewartis sane manut pengelokika

Pawos 66

Pangepahan warisan nganutin sekadi ring sor :

- ha Risampun kelaksanayang pitra yadnya lan utang-utang pewartis  
buntas ketawur.  
na Para ahli waris polih pahan pada sangkaning pagunakaya  
ca Sinalih tunggil ahli waris, kengin tan polih pahan prade :  
1. Nilar kawitan lan sesananing Agama;  
2. Alpaka guru rupaks;  
3. Sentana rajeg kesah mawiwaha utawi preti sentana nyeburin  
suwang-suwang kebawos ninggal kedaton.  
ra. Boya ahli waris, kengin muponin hasil manut dudonan luwire :  
1. Sentana istri, selami dereng kesah mawiwaha utawi alpaka  
guru miwah prade putra tan keangkenin antuk sang ngardi rare  
inucap, kengin nge waris wantah pikolih (peguna kaya) sentana  
istri inucap kemawon.

2. Balu luh wadin meani nyeburin (suwang-suwang boya sentana),
3. Budal deha utawi teruna mantukan ring pawiwahane, tatadan utawi bekel, maka eihna paweweh tetep ring pianak sane kesah mawiwaha.

#### Pawos 67

- (1) Prade sajeroning pakulawargaan wenten ahli waris langkungan ring adiri patut :
  - ha. Kawentenang paiguman indik pedum waris inucap;
  - na. Yen tan prasida, katunasang tatimbang ring Prajuru (Kerta Desa);
  - ca. Prade taler tan wenten cumpu ring panepas Kerta Desa kengin katunasang ring sang rumawos (Pengadilan).
- (2) Prade karang inucap keputungang, patut prajuru desa nibakang ring:
  - ha. Sang sinanggeh ahli waris manut Pawos 64;
  - na. Sane kengin anggen sentana, manut Pawos 62 (2 miwah 3);
  - ca. Prade taler tan wenten cumpu ring panepas Kerta Desa, kengin katunasang ring sang rumawos (Pengadilan Negeri).

## SAD SARGAH

### WICARA TAN PAMIDANDA

#### Palet 1

#### Indik Wicara

#### Pawos 68

- (1) Sane wening mawosin mekadi mutusang wicara ring Desa Pekraman inggih punika Prajuru Desa Pekraman sinanggeh Kerta Desa.
- (2) Prade sang mawicara tan wenten cumpu ring pamutus Kerta Desa, kengin nunasang wicara inucap ring sang rumawos (Pengadilar).

#### Pawos 69

- (1) Sehanan wicara mawit kecorahan, sakaluwire sinanggeh nungkasin daging awig-awig, wasuara miwah perarem Desa, Prajuru patut digelis mawosir tan nyantos pasadok.
- (2) Sejaba wicara sekadi ring ajeng patut nyantosang pesadok sang nunas bawos.
- (3) Panepase patu, pastika nyantenang iwang patut melarapan Tri Premana (Saksi, Ilikita, Bukti) miwah tan maren nepek ring Catur Dresta.

## Palet 2

### Indik Pamidanda

#### Pawos 70

- (1) Desa wenang diwakang pamidanda ring warga Desa sane sisip.
- (2) Paniwak inucap kelak sanayang olih Bendesa.
- (3) Bacakan pamidanda liwite :
  - ha. Ayahan panukun kasisipan,
  - na. Danda artha (dosa, danda saha panikel – panikelnyane miwah panikel-panikel urunan);
  - ca. Rerampagan
  - ra. Kedaut tanah ayalannyane utawi kesepekang.
  - ka. Penyanggaskara.
  - da. Kewaliang pipihane (keusanang mekrama)
- (4) Pamidanda sang kativakang patut masorsinggih manut ring kesisipane.
- (5) Jinah utawi raja berana pamidanda ngaranjing dados druwen desa.

## Palet 3

### Indik Rerampagan

#### Pawos 71

- (1) Rerampagan memargi manut perarem;
- (2) Rerampagan nganggé tata cara kadi ring sor :

SAPTAMAS SARGAH

NGUWAH-NGUWUHIN AWIG-AWIG

Pawos 73

- (1) Nguwah-nguwuhin Awig-awig Desa Pekraman puniki kelaksanayang antuk Paruman Desa.
- (2) Awig-awig puniki kemargiang ngawit kaingkupin (kararemin).

Pawos 74

- (1) Sakaluwiring sane wenten sederengnyane, patut keanutang ring sedaging Awig-awig puniki.
- (2) Sakalwiring sane durung kebawos sajeroning awig-awig puniki, patut kelaksanayang manut tatacara saue sampun memargi kadulurin antuk perar m-per rem

ASTAMAS SARGAH

SAMAPTA

Pawos 75


- (i) Awig-awig puniki kararemin duk rahina ..... wuku....., Sasih....., Icaka warsa ..... tanggal masehi ....., ngambil genah ring .....

(2) Awig-awig pinaka kalenggatanon antuk Prajurit Desa Pekraman Kebon kesawengon antuk kelian Banjar/tempok saha kewaksiang antuk Kelihan Dinas Kebon Kaja Kelian Dinas Kebon Kangin, Kelihan Dinas Kebon Kelod, Kepala Desa Peninjoan sewewidangan Desa Pekraman Kebon lan Camat Tembuku, pinaka saksi, saha kapikukuhon g olih Bupati Bangli.

(3) Luwir sang ngelir ggatanganon

lan. Prajurit Desa

1 Bendesa Pekraman Kebon,



I Dewa Gede Putra

2 Pangliman,




Sang Ketut Cakra

3 Penyarikan,



Jro Mangku Kertayasa

4 Wakil Penyarikan,




I Dewa Gede Tirta

5 Juru Raksa,





Ida Bagus Ketut Geria

na. Kaping kalih Prajuru Desa/Dinas Pinaka Sassi :



Reg. No. 1792/03  
4. Kepala Desa Peninjoran,

  
(I Ketut Suastika)



ca. Bupati Bangli maka murdha pamikukuh.

Mengetahui dan telah dicatitkan ;

Tanggal : 20 Mei 2003

Reg. No. 04 TAHUN 2003

